



Cov Rooj Plaub Ntawm Kev Dag Noj Tsoom Fwv Nyiaj

Welfare Fraud Hearings

Administrative Disqualification Hearing (ADH) yog dabtsi?

Fraud txhais tias dag lossis zais lus qhia kom thiaj tau kev pab nyiaj txiag. Nws hais txog kev muag lossis sim muag nyiaj muas noj SNAP lossis daim npav EBT. Yuav lossis sim yuav luam yeeb lossis dej cawv nrog daim npav EBT yog kev dag txhaum cai thiab.

Yog lub nroog xav tias koj tau ua cov no, lawv muaj feem ua ntawv foob txim thiab/lossis tej zaum tuav rooj plaub hais administrative disqualification hearing (ADH). ADH yog ib rooj hais plaub los txiav txim seb koj puas tau uas lub txim dag kom tau MFIP, DWP, kev pab zov menyuam, Nyiaj luam pab neeg (GA), nyiaj pab them nqi tsev (yav tas hu ua Group Residential Housing), Minnesota Supplemental Aid (MSA), SNAP (nyiaj muas noj), Emergency Assistance (EA) thiab Emergency General Assistance (EGA).

Cov pov thawj lub nroog yuav tsum muaj yog dabtsi?

Hauv rau plaub (ADH), lub nroog yuav tsum muaj pov thawj tseeb thiab txaus ntseeg tias muaj kev dag txhaum cai. Qhov no txhais tias lawv yuav tsum muaj pov thawj qhia tias koj tau ua lossis **txhob txwm** hais tej yam kom tau ib yam dabtsi los ntawm lub nroog koj tsis tsim nyog tau.

Yog tias tus kws txiav txim ntawm ADH txiav txim tias kuv txhaum lub txim dag?

Feem ntau, koj cov kev pab nyiaj txiag raug txiav txog 1 lub xyoos rau thawj zaus txhaum, 2 lub xyoo yog koj ua txhaum zaus ob thiab tag sim neeg rau txhaum zaus peb. Yog koj muab koj tshem tawm ntawm MFIP, koj xiam SNAP raug. Yog tus kws txiav txim paub tias koj tau nyiaj muas noj SNAP nyob ntau tshaj ib lub xeev thaum tib lub sijhawm, koj yuav xiam SNAP txog 10 lub xyoo. Koj tsis raug kaw los ntawm rooj plaub ADH, tabsis txhua yam lus koj hais lossis tej yam lub nroog paub nyob hauv ADH **yuav** muab siv los foob tau koj ntawm rooj plaub raug kaw. Koj muaj feem ua ntawv foob rov hais dua hauv lub tsev hais plaub loj. Ua tib zoo saib cov hnuv kawg tsis pub dhau rov hais dua. Saib peb daim ntawv tseeb [Rov Mus Hais Dua hauv Tsev Hais Plaub Loj Txog Tsoom Fwv Kev Pab](#).



Kuv puas yuav tso tseg kuv txojcai mus hais rooj plaub?

Tej zaum lub nroog yuav kom koj kos npe rau tsab ntawv tso tseg koj txojcai mus hais rooj plaub. **Hu legal aid nrhiav kev pab ua ntej koj xee npe.** Yog koj kos npe, koj muab koj txojcai los hais rooj plaub tso tseg. Koj yeej yuav xiam koj cov kev pab nyiaj txiag txawm tias koj tsis lees cov lus lub

nroog iab liam tias koj tau ua. Yog koj kos npe rau tsab ntawv, tej zaum koj muab qhov 30 hnuv los pauv koj qhov kev xav los tiv tauj legal aid yog koj muaj lus nug.

Lawv puas tseem ua tau ntaub ntawv foob txim rau kuv?

Ua tau. Lub nroog muaj feem tsub txim txhaum cai rau ntawm ADH thiab txim raug kaw. **Txhua yam lus** koj hais qhia lus nroog muab siv rov qab los foob koj tom tau. Yog koj hais ib nqe lus lossis kos npe rau ib daim ntawv, tej zaum koj muab koj cov cai los siv txoj kevcai 5th amendement tso tseg tom qab, hauv rooj plaub raug kaw hais muaj yeej mauj swb. Qhov 5th Amendment yog txojcai koj muaj los tsis txhob hais lus rov foob koj tus kheej hauv rooj plaub txhaum cai raug kaw. Koj yuav tsum mus nrog ib tug kws lijchoj tham txog cov lus ntxiv ntawm no.

Yog tias kuv ua ntaub ntawv rov hais dua los mus nres lossis txo kuv cov kev pab nyiaj txiag?

Daim ntawv thov rov qab hais dua nrog rooj plaub dag nyiaj ntawm ADH. **Mus nrhiav kev pab los ntawm kws lijchoj tam sim no.** Rooj plaub hais yuav nyuaj heev, vim qhov lub nroog muab los uas pov thawj txawv ntawm qhov txiav koj cov nyiaj dua qhov koj dag. Lub nroog tsuas tau muaj pov thawj los qhia tias ib co lub tseeb nyob lawv sab xwb los txiav lossis txo koj cov kev pab nyiaj txiag. Tabsis lawv yuav tsum muaj pov thawj tseeb thiab txaus ntseeg los rau qhov kev dag.

Yog tias lawv ua ntaub ntawv foob txim txhaum cai ne?

Ces koj yuav tsum nug kom lawv tso tseg lossis muab ncuu ADH rooj plaub. Koj yuav tsum mus nrog ib tug kws lijchoj hais cov plaub raug txim kaw sai li sai tau. Tej zaum koj tsim nyog tau ib tug kws lijchoj dawb. Mus nrog cov neeg ua haujlwm hauv lub tsev hais plaub tham txog tias yuav ua ntawv thov ib tug kws lijchoj dawb li cas.



Yog tias kuv txhaum lub txim dag lossis kuv nyob hauv ib lub khoos kas raug saib xyuas?

Yog pom tau tias koj txhaum lub txim dag khib lav tau nyiaj luam ntawm tsoom fww, koj poob koj cov kev pab nyiaj. Koj muaj feem raug kaw lossis raug nplua. Koj xiam koj qhov kev pab nyiaj 1 lub xyoo thawj zaus koj ua txhaum, 2 lub xyoo yog ua txhaum zaus ob thiab mus tas sim neej yog ua txhaum zaus peb. Qhov no muaj tseeb txawm tias koj nyob hauv lub khoos kas saib xyuas lossis lub tsev hais plaub ncuu tuav thiab raug khoo “probation.”

Yog tias kuv tsis yog xam xaj U.S. ne?

Yog tias koj tsis xam xaj U.S., mus nrog ib tug kws lijchoj tham sai li sai tau. Cov teeb meem saum toj muaj feem cuam tshuam tau koj cov xwm txheej nyob tebchaws no.

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoo lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2021 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.